

I FLETËUDHËZUES I PAKETIMIT:
Informacion për pacientin

ATROPINE

Tretësisirë me pika për sy 1% - 10 ml
(Atropinë sulfat)

Lexojeni me kujdes këtë fletëudhëzues përpara se të filloni përdorimin e barit.

- Ruajeni këtë fletëudhëzues. Mund të keni nevojë ta lexoni përsëri.
- Në qoftë se keni pyetje të mëtejshme, pyesni mjekun ose farmacistin tuaj.
- Ky bar është përshkruar për ju. Mos e jepni tek persona të tjerë. Mund t'i dëmtojë ata edhe pse mund të kenë të njëjtat simptoma me ju.
- Në qoftë se ndonjë prej efekteve anësore keqësohet ose në qoftë se vëreni ndonjë efekt tjetër anësor që nuk përmendet në këtë fletëudhëzues, ju lutemi të njoftoni mjekun ose farmacistin tuaj.

Në këtë fletëudhëzues:

- Çfarë është Atropine dhe përse përdoret
- Përpara se të përdorni Atropine
- Si ta përdorni Atropine
- Efekte anësore të mundshme
- Si ta ruani Atropine
- Informacion i mëtejshëm

1. ÇFARË ËSHTË ATROPINE DHE PËRSE PËRDORET

Atropina është një alkaloid i beladonës, prototip i antimuskarinikëve, antagonist kompetitiv selektiv i receptorëve M kolinergjikë. Ajo është një antagonist kompetitiv i acetilkolinës në fundet e nervave postganglionikë, kështu që ndikon në receptorët e gjëndrave endokrine, në muskujt e lëmuar, në muskujt kardiakë dhe ato të sistemit nervor qëndror. Bllokimi i receptorëve M të muskujve cirkularë të irisit shkakton midriazë, ndërsa bllokimi i receptorëve M të muskujve ciliarë shkakton cikloplegji. Ajo përthitet nga membranat mukoze, lëkura dhe sytë. Atropina eliminohet shumë shpejt nga qarkullimi i gjakut si dhe gjysmëjeta e eliminimit të saj është rreth 4 orë. Atropina metabolizohet në mëlçi dhe jashtëqitet me urinë si bar i pandryshuar dhe si metabolitë. Atropine përdoret për të prodhuar midriazë dhe cikloplegji për ekzaminimet oftalmike. Atropine gjithashtu përdoret në trajtimin e iritit dhe uveitit.

2. PËRPARA SE TË PËRDORNI ATROPINE

Mos përdorni Atropine në qoftë se:

- jeni i ndjeshëm (alergjik) ndaj atropinës ose ndaj ndonjërit prej përbërësve të tjerë të barit, pasi mund të shfaqen reaksione alergjike, përfshirë anafilaksinë;
- vuani nga glaukoma me kënd të ngushtë ose forma të tjera të glaukomës;
- mbani lente kontakti, sepse duke qenë sekrecionet e syrit vështirëson mbajtjen e tyre;
- vuani nga miastenia gravis;

- drejtoni automjetin ose përdorni makineri, shiko paragrafin "Drejtimi i automjetit dhe përdorimi i makinerive".

Duhet të shmangni përdorimin e Atropine tek fëmijët, veçanërisht në fëmijët që kanë dëmtime të trurit, paralizë spastike ose vuajnë nga sindroma Down.

Tregoni kujdes të veçantë me Atropine në qoftëse:

- jeni duke u trajtuar me antimuskarinikë të tjerë;
- trajtoheni njëkohësisht me barna kolinomimetike dhe frenues të kolinesterazës, pasi këto antagonizojnë efektet e atropinës;
- jeni shtatzënë ose po planifikoni një shtatzëni. Tregojini menjëherë mjekut tuaj në qoftë se mbeteni shtatzënë në kohën e mjekimit me atropinë;
- ushqeni fëmijën me gjí.

Marrja e barnave të tjera

Njoftoni mjekun ose farmacistin tuaj në qoftë se jeni duke marrë, keni marrë së fundmi ose mund të merrni barna të tjera, përfshirë ato të marra pa recetë. Ndërveprimet klinikisht të rëndësishme me barnat e tjera, vërehen pas përthithjes sistemike të atropinës. Është veçanërisht e rëndësishme që mjeku juaj të jetë në dijeni të faktit që ju jeni duke u trajtuar me:

- antimuskarinikë të tjerë (si p.sh. bromfeniraminë, klorfeniraminë, klemastinë, dimenhidrinat, prometazinë, tioridazinë, amitriptilinë, klomipraminë, amoksapinë, klozapinë, dizopiramidë), të cilët rrisin veprimet M- kolinolitike të atropinës;
- barna kolinomimetike dhe frenues të kolinesterazës, të cilat antagonizojnë efektet e atropinës.

Shtatzënia dhe ushqimi me gjí

Kërkoni këshillën e farmacistit ose të mjekut përpara se të merrni këtë bar.

Shtatzënia

Atropina e kalon placentën, por nuk dihet që të jetë e dëmshme. Megjithatë rekomandohet të shmangët përdorimi i saj në shtatzëni. (Kategoria C)

Ushqimi me gjí

Edhe pse atropina kalon në sasi të vogla në qumështin e gjirit, rekomandohet të shmangët përdorimi i saj gjatë ushqimit me gjí.

Drejtimi i automjetit dhe përdorimi i makinerive

Atropine – tretësisirë me pika për sy 1% (tretësisirë oftalmike) mund të shkaktojë efekte anësore të tilla si: turbullimi i shikimit, marrje mendsh dhe efekte të tjera që ndikojnë në aftësinë tuaj për të drejtuar automjetin ose përdorur makineri. Prandaj gjatë trajtimit me Atropine duhet të evitoni përdorimin e automjeteve dhe makinerive.

Informacion i rëndësishëm për disa nga përbërësit e Atropine

Atropine – tretësisirë me pika për sy 1% përmban klorur benzalkoni i cili mund të shkaktojë iritim në sy. Shmangni kontaktin me lentet e buta të kontaktit. Hiqini lentet e kontaktit përpara aplikimit dhe prisni të paktën 15 minuta përpara se t'i rivendosni. Kloruri i benzalkonit njihet për çngjyrosjen e lenteve të buta të kontaktit.

3. SI TA PËRDORNI ATROPINE

Gjithmonë përdoreni Atropine ekzaktesisht si jua përshkruan mjeku juaj. Konsultohuni me mjekun ose farmacistin tuaj në qoftë se nuk jeni i sigurt.

Në irit dhe uveit

Tek të rriturit: 1-2 pika tretësisirë 1% në sy, 2 – 3 herë në ditë.

Për prodhimin e midriazës dhe cikloplegjisë

Tek të rriturit: 1 pikë tretësisirë 1% në sy, 1 orë para procedurës.

Duhet të shmangni përdorimin e Atropine tek fëmijët, veçanërisht në fëmijët që kanë dëmtime të trurit, paralizë spastike ose vuajnë nga sindroma Down.

Mënyra e administrimit të Atropine – tretësisirë me pika për sy 1%, është:

- Lajini mirë duart.
- Mos e prekni vendin e daljes së pikave.
- Shikoni lart.
- Ulni kapakun e poshtëm të syrit për të krijuar një ulluk.
- Vendosni pjesën e sipërme të shishes plastike sa më afër ullukut, por pa e prekur atë.
- Hidhni sasinë e duhur të pikave në ulluk.
- Mbyllni syrin për rreth 2 minuta.
- Tretësira e tepërt që del mund të hiqet me një garzë sterile.

Pikat në sy mund të shkaktojnë ndonjë ndjesi djegieje, por kjo ndjenjë nuk zgjat më shumë se disa minuta. Në të kundërt konsultohuni me mjekun ose farmacistin tuaj.

Në qoftë se keni përdorur më shumë Atropine:

Në qoftë se keni përdorur më shumë Atropine se sasia që duhet të përdornit, ose në qoftë se fëmijët e kanë përdorur gabimisht këtë bar, ju lutemi të kontaktoni mjekun tuaj, spitalin ose të telefononi urgjencën për të marrë një mendim për rrezikun dhe këshilla për veprimet që duhet të ndërmerren. Rrallë ndodhin efekte anësore nga mbidozimi i Atropine – tretësisirë me pika për sy 1%. Megjithatë, efektet anësore që mund të ndodhin si pasojë e mbidozimit me Atropine përfshijnë: efekte antikolinergjike, çrregullime kardiovaskulare, (takikardi, aritmi atriale, çrregullime atrio –ventrikulare) dhe çrregullime në sistemin nervor qëndror (konfuzion, shqetësime, nervozizëm, haluçinacione dhe konvulsione).

Në qoftë se keni harruar të përdorni Atropine:

Në qoftë se harroni një dozë Atropine, përdoreni atë sa më shpejt. Në qoftë se është pothuajse koha për dozën tjetër, përdoreni atë dhe kalojeni dozën e humbur. Mos përdorni dozë ekstra Atropine për të plotësuar dozën e humbur. Në qoftë se keni pyetje të mëtejshme mbi përdorimin e këtij produkti, pyesni mjekun ose farmacistin tuaj.

4. EFEKTE ANËSORE TË MUNDSHME TË ATROPINE

Si të gjithë barnat e tjera, Atropine mund të shkaktojë efekte anësore, megjithëse jo çdokush i manifeston. Efektet anësore të shkaktuar nga atropina janë

kryesisht të lidhur me veprimin e saj farmakologjik tek receptorët muskarinikë, dhe në doza të larta, tek ata nikotinikë. Këto efekte varen nga doza dhe zakonisht janë të rikthyeshëm kur trajtimi ndërpritet.

Efektet anësore më të zakonshme të Atropine – tretësisirë me pika për sy, janë:

- zgjerrim i pupilës së syrit (midriazë), çrregullim i pamjes, paralizë e akomodimit d.m.th. cikloplegji dhe rritje e tensionit intraokular;
- dermatit kontakti dhe dermatit ekzematoid;
- gjithashtu temperaturë e lartë, skuqje e lëkurës, urtikarie, të vjella, konfuzion, lodhje, drobitje, përgjumje, haluçinacione, takikardi, tharje e gojës, etj.

Lajmëroni mjekun ose farmacistin tuaj nëse ju shfaqen këto efekte anësore ose çdo efekt tjetër anësor që nuk përmendet në këtë fletëudhëzues.

5. SI TA RUANI ATROPINE

Mbajeni larg fëmijëve.

Mos e përdorni Atropine pas datës së skadimit e cila është e shënuar në paketim.

Ruajeni në një vend të thatë e të freskët, në temperaturë nën 25°C.

Mos e ruani në ngrirje.

Ruajeni në paketimin origjinal për ta mbrojtur nga drita dhe nga lagështia.

Afati i përdorimit pas hapjes është 2 javë.

6. INFORMACION I MËTEJSHËM

Çfarë përmban Atropine

Lënda vepruese është atropinë sulfat.

1 ml tretësisirë përmban 10 mg atropinë sulfat.

Përbërës të tjerë: klorur benzalkoni, ujë për injeksion.

Përmbytja e paketimit

Kuti kartoni me shishe plastike sterile 10 ml.

Shpjegues i ikonave ilustruese për paketim:



Sipas recetës së mjekut.



Përmbytja.



Kujdes.



Pika për sy.

Mbajtësi i autorizimit për tregtim (MAT) dhe prodhuesi:



PROFARMA Sh.a.
Rruga "Myslym Keta"
Tel.Fax: 00 355 4 23 62 800
Tiranë - SHQIPËRI

Ky fletëudhëzues u rishikua për herë të fundit në Korrik 2013.

